



敬業堂詩集序

夏重之重于人與人之重夏重者豈獨以詩哉其在家庭也愉婉承歡善繼其尊人逸遠先生之志與諸弟一堂師友砥行立名至于義方垂訓慈而彌嚴長若幼皆能自樹立倡隨之誼食貧相莊悼亡一賦終其身不再娶其飭躬于內也如此其立朝也著作承明出入

禁闈者十年

天子嘉其勤慎卿尹服其恬雅年甫六十四遽移疾還家其於進退之際又如此則夏重之足重于人與人之重夏重者固自有在不獨以詩也明矣即論

敬業詩集序

其詩亦恢之以學問深之以涵養且歷覽宇內之名山巨川以達其氣裕其神而擴其耳目之聞見即物寫懷皆其忠孝友愛至性至情之所蘊蓄而流露初非規規焉爭能于聲律字句間也平生所作不下萬首今手自刪定起已未迄戊戌凡四十八卷取隨

駕山莊時

御書賜額名曰敬業堂集乞余一言弁首藏諸家余與夏重生同里重以昏姻晚又出余門下自其少時伏處海濱迄三十歲以後游學京師歷仕歸田數十年如一日世之知夏重者孰余若遂不辭而爲

之序佟陶菴先生夏重舉京兆時同年友也旣而
同直

內廷晨夕數年填篋唱和儕輩皆一時之選而其伏
膺者惟夏重一人丙申冬出撫東粵夏重走訪之
臨別捐俸囑刻其詩以問世是夏重之見重于陶
菴與陶菴之重夏重者跡雖重其詩實不獨以詩
重也世之讀夏重詩者以衰朽或不足信請試質
之陶菴先生

康熙五十八年己亥秋七月朔洛溪衰朽許汝霖
序

敬業堂詩集總目

第一卷

慎旃集上 古今體詩八十五首

第二卷

慎旃集中 古今體詩九十一首

第三卷

慎旃集下 古今體詩七十七首

第四卷

端歸集 古今體詩九十一首

西江集 古今體詩八十四首

第五卷

踰淮集 古今體詩五十九首

第六卷

假館集上 古今體詩六十四首

第七卷

假館集下 古今體詩六十九首

第八卷

人海集 古今體詩八十九首


第九卷

春帆集 古今體詩六十六首

第十卷

獨吟集 古今體詩七十六首

敬業堂詩集總目



第十一卷

竿木集

古今體詩五十五首

題壁集

古今體詩六十首

第十二卷

橘社集

古今體詩六十四首

第十三卷

勸酬集

古今體詩九十三首

第十四卷

溢城集

古今體詩九十一首

第十五卷

雲霧窟集

古今體詩七十三首

敬業堂詩集總目

第十六卷

客船集

古今體詩二十九首

並轡集

古今體詩四十三首

第十七卷

冗寄集

古今體詩六十三首

第十八卷

白蘋集

古今體詩三十五首

秋鳴集

古今體詩五十二首

第十九卷

敝裘集

古今體詩三十四首

酒人集

古今體詩七十五首

第二十卷

游梁集 古今體詩九十七首

第二十一卷

皖上集 古今體詩六十一首

第二十二卷

中江集 古今體詩七十三首

第二十三卷

得樹樓集 古今體詩八十九首

近遊集 古今體詩二十四首

第二十四卷

賓雲集 古今體詩四十四首

敬業堂詩集總目

第二十五卷

炎天水雪集 古今體詩三十五首

垂橐集 古今體詩四十二首

第二十六卷

杖家集 古今體詩六十五首

第二十七卷

過夏集 古今體詩七十四首

第二十八卷

偷存集 古今體詩十七首

繡經集 古今體詩八十一首

第二十九卷

赴召集 古今體詩九十七首

第三十卷

隨輦集 古今體詩一百十四首

第三十一卷

直廬集 古今體詩一百二十四首

第三十二卷

考牧集 古今體詩一百四首

第三十三卷

甘雨集 古今體詩四十三首

第三十四卷

西阡集 古今體詩六十二首

敬業堂詩集總目

迎鑾集 古今體詩四十六首

第三十五卷

還朝集 古今體詩八十首

第三十六卷

道院集 古今體詩七十三首

第三十七卷

槐移集上 古今體詩九十八首

第三十八卷

槐移集下 古今體詩九十七首

第三十九卷

棗東集 古今體詩一百八首

第四十卷

長告集 古今體詩一百七十二首

第四十一卷

待放集 古今體詩一百五十九首

第四十二卷

計日集 古今體詩七十九首

第四十三卷

齒會集 古今體詩一百二十八首

第四十四卷

步陳集 古今體詩一百二首

第四十五卷

敬業堂詩集總目

五

吾過集 古今體詩六十四首

第四十六卷

夏課集 古今體詩四十五首

望歲集 古今體詩五十首

第四十七卷

粵游集上 古今體詩八十四首

第四十八卷

粵游集下 古今體詩一百五首

敬業堂詩集卷一

海寧 查慎行 悔餘

慎旃集上

盡巳未
一年

已未夏同邑楊以齋先生以副憲出撫黔陽招余
入幕時西南餘寇未殄警急烽烟傳聞不一而余
忽爲萬里之行其在陟岵之詩曰尚慎旃哉由來
無棄夫當行役之時不忘父母兄弟而終以危苦
之辭讀其詩者傷其志焉余不幸早失怙恃終遠
兄弟麻衣被體瞻望漣沔因取慎旃以命集自勵
也亦以慰予季也自己未迄壬戌首尾三年凡如
干首釐爲三卷

敬業堂詩集卷一

遊燕不果乃作楚行

北道初停轍南轅未息戈一門初約變岐路獨行多不
是彈箏客誰爲擊楫歌也知田舍好壯志恐蹉跎

留別仲弟德尹一首

形影何當出處分君應憐我我憐君孤雲出岫寧無意
獨雁衝寒奈失群門戶全生終碌碌兵戈絕徼尚紛紛
虎頭分少封侯骨投筆聊從萬里軍

雞聲驚起對床眠纔說江關便黯然與爾未曾經遠別
得歸難定是何年渡江風物悲元亮懷土人情感仲宣
瓦屋三間門兩版頻煩爲我掃東偏

訓別盛鶴江徐淮江程禹聲次禹聲原韻

輕橈夾岸柳。珍蓀短笛長。亭最不堪。江路恰逢鴻雁北。
山程遙指鷓鴣南。異時對酒懷重五。同調關心記兩三。
此去湖湘烟水濶。鷗波長自夢春潭。

京口和韜荒兄

江樹江雲睥睨斜。戍樓吹角又吹笳。舳艫轉粟三千里。
燈火沿流一萬家。北府山川餘霸氣。南徐風土雜驚沙。
傷心蔓草斜陽岸。獨對遙天數落鴉。

曉發梁山

一鈎殘月吐仍銜。薄霧濛濛著布帆。行過天門天未曉。
風來東北路西南。

贈胡星卿先生胡之先東川侯海其子觀尚南

敬業堂詩集卷一

二

康公主

蔡戟侯門奕葉光。可能無意感滄桑。草廬望重名賢宅。
竹苑年深貴主莊。滿地秋瓜仍爛熳。渡江春燕只尋常。
白頭一老鍾山下。筋力猶看八十強。

題王璞菴南北遊詩卷

我初未見聞君名。十年懷抱一夕傾。眼中指顧空豪英。
乃欲以詩鳴不平。蓬累時作蒼茫行。江南江北無期程。
流離滿前皆孩嬰。道傍見之淚縱橫。爾生其間一蒼生。
補救敢與乾坤爭。俛今仰古氣孰撓。長篇倚劔頃刻成。
東將入海手掣鯨。嘲美花月非人情。余從涉江來舊京。
足所遊歷手勿停。君詩首壓小謝城。如以六國當秦兵。

聳肩雒誦作大聲。煌煌高燭燒長檠。須臾街鼓報五更。
紅日欲吐東方明。

登金陵報恩寺捨二十四韻

不盡興亡恨。浮圖試一登。孤高真得勢。陡起絕無憑。法
轉風輪翹。光搖火樹燈。地維標寶刹。天闕界金繩。碧落
開千里。丹梯轉百層。規模他日壯。感慨至今仍。禍自歸
藩啓。兵從靖。難稱比戈殘。骨肉問罪疑。丞袞冕。俄行
遜戎衣。遂謁陵朝家。同再造。國事異中興。此舉無名極。
當時宣媿曾。兩京雄岳峙。一塔鎮。蘇稜。銖兩材俱稱。纖毫
辨欲矜。琉璃紛紺碧。欄楯落鮮澄。事本誇餘力。基猶念
不承。監宮留太子。給俸溫千僧。原廟衣冠冷。豐宮獻卜

敬業堂詩集卷一

三

增侈心崇梵竺。神道託高曾。世往疑經劫。人來乍得朋。
同登者雲烟爭變幻。日月幾升絀。絕頂盤旋上。虛窗偏
六人仄凭。近身棲怖鴿。側背躡飛鵬。勝境才何有。高歌氣或
騰。鍾山青入望。相對故陵憎。

金陵雜咏二十首 并序

僕年三十始至舊京路。近一千還同異域。感生涯之
已晚。歎故事之無徵。彼都人士。憶南渡之風流。故國
山河見北邙之陵寢。四百八十寺。烟雨猶新。三万六
千場。笙歌頓歇。表羊因而狂。憤衛虎所以神。傷况以
飄零。再當搖落。芳樹攀條。泪盡臺城之妓。金釵插髻
魂消綺閣之歌。凡江干覽物之端。皆遊子言愁之什。

敢自信其可傳異知音之勿罪云爾

沙漠真人本至尊。青蛇罷祀出梧垣。孝陵松柏猶樵牧。
元廟何妨有淚痕。

想像承平樂事留。履綦陳迹也風流。輕烟翠柳今何處。

明初妓館名十六門如十六樓。

洒掃他時屬內官。鐘聲好句逼人寒。御溝儘有流紅事。
塵壁傷心是媚蘭。

夜半傳呼聚寶門。金蟾嚙鎖內城昏。武皇大有南遷意。
故遣鑿輿宿報恩。

蒙溪石刻表南都。形勢居然屹壯圖。白馬青絲他日事。
倉皇曾補一毫無。

敬業堂詩集卷一

四

妙選三家入後宮。抱來馬上石榴紅。胭脂不到長城外。
何必明妃怨畫工。

武定橋欄玉磬如。泠泠七尺響清虛。蜀桐不發岐陽扣。
等是崑岡劫火餘。

宗伯奩清世不知。菱花初照月臨池。點粧巾帽俱新樣。
不用喧傳鏡背詩。

杏村玉樹接春華。太史詩留典故家。不許繡球誇獨絕。
鳳臺還有紫微花。

薛鴨表羊匕著餘。江鮮風味只如初。年年八月隨潮上。
柳貫紅腮燕子魚。

粉竹香塵調不齊。和來雁字鬥高低。即從紅豆徵奇麗。

便壓元人十四題

頓老琵琶擅教坊。供筵法曲別歌章。故須小技通文義。
垂老知音付漫郎。

雷雨隨絃四座驚。秀之絕調自泠泠。隔簾傳語催停板。
頭白扶來制淚聽。

昭文小楷法黃庭。繡佛新詩玉琢成。不及錦雲名句好。
斷腸芳草斷腸鶯。

一月花名簇錦筵。舊家手帕亦因緣。曾陪盒子春繁會。
冷落飄燈四十年。

鰲足盤龍氣象吞。東華扶出尚驚魂。書生小膽當前破。
何取紛紛出大言。

敬業堂詩集卷一

五

後村傲兀自奇才。覓句曾過此地來。春草不生山路白。
樹陰濃罩雨花臺。

臥遊宗炳已傷神。畫社秦淮點染新。怪得江山生色少。
少岡老死更無人。

鈔庫街頭第一坊。遊人消渴試新嘗。近來曲巷添茶社。
誰記新都是濫觴。

名士年來已可嗔。騎驢腰扇怕逢人。李昭竹骨王郎畫。
難掩西風障扇塵。

蕪湖關

昨日出龍江。今晨抵蕪湖。順風滿帆幅。過關快須臾。關
吏責報稅。截江大聲呼。舟子不敢前。椳柁轉轆轤。余笑謂

關吏竒貨我則無。聯吟三十管。壓浪百卷書。船頭兩巾箱。船尾一酒壺。此外更何物。隨身長鬚奴。吏前不我信。倒篋傾筐簾。棄捐無一可。相顧仍眈眈。買酒例索錢。迴身若青蓮。有貨官盡征。無貨吏橫誅。有無兩不免。何以慰長途。

題余鴻客金陵覽古集

神傷叔寶鬢。初斑詩草年年手。自刪莫問六朝興廢事。謝家名句有江山。

曉出荻港

鞍馬習人勞。舟杭令人情。所苦風濤爭。孤篷坐掀簸。般師喜出險。拍手咲相賀。輕生涉江湖。緬維神力荷。詰朝風日美。百里悠揚過。雲峰石門竒。天勢江浮大。望窮樹攢叢。機靜魚趁柁。琉璃千萬頃。一葉點不破。倒影白日深。蛟龍鏡中臥。江豚忽掉尾。散作鱗箇箇。豁然闢詩境。遠景開淡沲。

敬業堂詩集卷一

六

銅陵太白樓同韜荒兄作二首

不盡長江萬古流。吳天遼廓倚孤舟。疾風捲雨過山去。虹氣晴開百尺樓。

我昔曾從夢見之。精靈長接百篇詩。豈知流落才無用。猶羨宮娥捧硯時。

遊兵營

苔苔拍衡湘。屈蟠路如蛇。江天風月夜。往往聞清笳。尋

聲向曲岸燈光出薰葭古哨聚遊兵汎地錯犬牙上下
十數里塘迴互周遮警急一舉烽夜行禁輪艤茅屋三
五間各自比建御門前蔭垂柳屋後編籬笆恐爾本良
民賦歛逃科差居然長兒女戍久還成家炎荒屬未寧
羽檄方紛拏惜哉好身手宴坐銷精華何當鉦鼓息再
見戶口加

那利磯弔黃忠節公

天道本好生無端殺機伏惻然遜國際罹此靖難酷天
下自一家諸臣義不辱侍中初出亡乞援向誰哭勢窮
繼以死初念固不欲漸漸那利磯洶洶怒濤蹴嗚呼蒙
墓地乃在江魚腹賢哉翁夫人偷生不忍獨提攜及二
如感激到婢僕舉家十三口同日死江曲真難贖百身
竟用全九族當時故吏士過者不敢印葦菹同一墳翁夫
人及二女合葬招魂尙來復易名雖兩經弘光南渡廟
金陵塞洪橋北改謚文貞廟貌未嚴肅我思鑄遺像鎮此千山麓貧賤復何言詩成
淚盈掬

敬業堂詩集卷一

七

雨後渡攔江磯

片雨南來壓短篷迴看天北吐長虹風纔過處雲頭黑
霧忽消時日脚紅遠岸浮沈沙柳外危磯出沒浪花中
扁舟一葉無根蒂咲擲吾生付柁工

小孤山

峨峨百里外烟鬟望歛矐峭颿兩日程始及抵山脚連

山亘兩岸千仞排垠堦不知渾沌來孤嶼孰開鑿初從
山背望上下勢相若兩崖忽中分老牛角紛昔向陰樓
鷓鴣石齒白磊砢其陽峰面銳鵬喙高卓卓青葱起美
蔭遠景翳林薄脊骨不貯土長根自蟠錯旁觀倚崔嵬
遙勢借恢擴大哉造物奇咫尺形體各中腰神女祠紺
碧架飛閣藐焉氷雪姿玉貌坐端慙小雨夜歸梁晴雲
曉寒幕神威不在猛水怪自驚還帖然率群醜俛首受
條約移舟試欲登夸險費斟酌聳肩卻步立窘若被束
縛攀躋雖未成夜枕夢已噩起來攬帶坐波軟風力弱
圓月光吐吞蛟龍恐驚攫

皖口

敬業堂詩集卷一

八

八卦依然列女牆一城斗大劃荆揚雨濃隔浦吳山盡
風澹空江楚水長官渡無人還繫艇客程有樹但垂楊
曾經百戰東南定鼓角殘兵又夕陽

殘兵鼓角夕陽中
明初高季迪題安

慶城樓
詩語也

路灌溝阻風

行李先愁過吉陽萑苻何物尚披猖孤舟喜出兩關阻
一雨能生三日涼紈扇雲敝山入畫蘆花風起客思鄉
柴桑舊事吾猶記咫尺翻嫌路渺茫

過鄱陽湖口望大孤山次黃伐檀舊韻

江長如帶湖如襟廬山挈領高歎釜大孤欲束湖口住
石脚下插三千尋浪頭有時過減頂噓吸倒影影亦沈

康郎彭郎兩不姑微步但覺凌波深西江賈兒晚泊棹
東南月上明孤斟渚蘩汀芷近楚俗水味洵潔神居散
群鷗飛盡亂鴉舞舞癭藤瘦棘森成陰天青沙白獻濃翠
恍悅余目怡余心船頭擊汰船尾臥末疾不受風霾淫
馬當之險幸已脫一壺珍重攜千金

蘄州道中

設險憑全楚江防此地遷千家猶帶郭郭獨客偶停船天
濶星如墜江空月最先時危憂盜賊慘澹話當年

漢口

巨鎮水陸衝彈丸壓楚境南行控巴蜀西去連鄢郢人
言紛五方商賈富兼并紛紛隸名藩一一旗號整駢駢

敬業堂詩集卷一

九

驢尾接得得馬蹄騁俚俚人摩肩感覺豚豚縮頸群雞叫
啣啣巨大力頑獷魚蝦鯨就岸藥料香過嶺黃蒲包官
鹽青箬籠茗茗東西水關固上下樓閣迴市聲朝喧喧
烟色晝暝暝一氣十萬家焉能辨廬井兩江合流處相
峙足成鼎舟車此輻輳翻覺城郭冷黃沙撲面來却扇
不可屏稍喜漢江清浣紗見人影

漢陽晴川閣

已失當年鸚鵡洲晴川高閣劫灰留苦嫌過客多題壁
却咲神仙盡好樓閣倚新創
方士書院粉堵日斜浮鄂渚蒲帆風
急下黃州山根一線分江漢不遣清流混濁流

題王方喬齋壁

半捲湘簾不滿鉤大江檻外日東流碧空過盡千帆影
一榻臥看黃鶴樓

安國寺東荷池上

蓮蓬味美羞同藕荷葉香清似勝花懊惱休陰無一樹
閉門長日坐僧家

漢江舟夜

露宿風餐兩月餘入秋懷抱少應攄濃陰隔浦初疑霧
晚食投竿果得魚夏口帆來飛鳥外洞庭木落早涼初
楚天微雨瀟瀟夜漁火分光到檢書

漢川道中紀所見

沙岸百尺高水落岸容槁火雲蒸久旱旭日秋杲杲田

敬業堂詩集卷一

十

家候雞鳴趁伴起最早放閒惜牛力飽食眠秋草不念
婦子疲提攜及襁褓桔槔遠灌田俯仰困機巧单衣汗
沾背滿面塵不澡鑼鼓懸柳陰兒童事擊考金燥革亦
乾愁聲振林杪土音帶蠻徭過客不盡曉勞歌有誦荅
各自相媚好豐荒關天運轉瞬誰得保民愚亦可憐聊
用慰翁媪對之我抱慙饑驅空擾擾人言行路心擇食
苦不飽此意行已堅毋爲亂懷抱

渡百里湖

湖面寬千頃湖流淺半篙遠帆如不動原樹競相高歲
已占秋旱民猶望雨膏涸鱗如可活吾敢畏波濤

洪湖

漢江支流入洪口水勢舒緩地勢窪葑田中開畝千頃
緯經去聲二露渚牙殘荷尚擎歛仄葢紅蓼競吐殷鮮花
鷺鷥聳肩作人立意思閒暇窺魚蝦濱湖幾點暮烟起
曬網者漁三五家海簞半閒蘆架屋黃篾十丈水占涯
春漲生時隨斷梗秋潦退後依平沙東西北南隨所向
泛泛何異鷗鳧鷺老漁顧我咲相荅客行要自同樓苴
我聞此言發狂咲片席飛渡蒼蒼葭

沔陽道中喜雨

一枕涼侵被朝來得晏眠江清收潦後風勁掛帆前宿
雨纔如露秋雲不近天可能涓滴意蓬勃起枯田

初入小河

敬業堂詩集卷一

十一

魚米由來富楚鄉入秋飽噉只尋常如今米價偏騰貴
賤買河魚不忍嘗

將至王沙舟中述懷呈家季叔二首

村荒人少但寒雅夾岸薰葭一道斜偶到不妨頻問俗
既來何苦又思家愁經零露秋前草夢吐疎燈夜半花
拋却田園荒舊業并攜僮僕走天涯

勞苦官居已六年人傳綠鬢改華顛眼明稍喜流亡復
城小曾蒙盜賊憐五斗粟容彭澤傲一厨酒愛步兵賢
定知情話無窮在幾夜篝燈記不全

王沙即事二首

銀絲壓髻學盤頭少婦粧成不上樓客久語音通土俗

路長征戍阻炎州蘆中船去花搖雪柳外天低月吐鈎

淨洗胭脂湖水闊荷陰閒淡自清秋

郭外胭脂湖
荷花絕盛

絕少魚蝦入膳庖豚蹄隨意散塘坳雞棲茅店鴉爭食
燕去蘆廬鼠嚙巢暗窟草深移蟋蟀晴絲露重綴螭蛸
乍來寂莫荒江曲欲賦蕪城感慨交

初得家書

九十日來鄉夢斷三千里外客愁疎涼軒燈火清砧月
惱亂翻因一紙書

與韜荒兄竟陵分手兄至荊州余往監利滯留
且一月矣作詩以寄

敬業堂詩集卷一

十三

時夏苦旱千里火雲赤壓頭一扇蓬炙背等煎迫而我
於其間狂吟快新獲兄詩工而遲顧我速以拙篇成必
傳示瑕類互指摘我賞兄不疑兄領我感額丹砂百煉
金點鐵隨手擲文從字怪發徃徃到擊節績學兄貫穿
懸河瀉胸膈陳言務掃蕩妙解生創闢文章竊願學下
語頗不擇兄爲啟其鑰竒正示體格經經而緯史較若
分黑白溯流止一源馳騁戎旁隙有時雜遊戲間亦事
博奕枯碁紙畫局低手兩策伯毫末勢必爭怒容毛髮
磔推枰起相詢衾枕紛狼藉幸未投諸淵俛首旋拾撫
旁觀但移晷一笑意已釋我飲僅半升兄傾可一石村
沽必盡量醉語有終夕舟子訝未聞家奴憤不嚇漢陽

半月住又復事行役竟陵暫分袂謂作浹旬隔余去向
王沙兄行指鶴澤萍蹤忽漂散踐約苦難責吾叔方南
征輸將任煩劇尺陵用兵地久滯佐籌畫西風吹客衣
稍欲換絺綌冷暑啼寒蟬庭柯響撼撼獨來閱中秋消
息斷咫尺豈如孤舟夜臥起同枕席正當盛壯時長駕
困短策依回投幕府此段良可惜我年雖少兄本性奈
孤僻輪困刺肝膽感憤腕徒搯妻孥敗人意兼顧終無
術鹵莽一出門何從筭游跡歸與須早計惆悵分飛翮
從監利至荊州途中作

餘恨空傳割據還青天了了隔江山對岸爲華容諸山人來小

雨初晴後秋在垂楊未老間望遠易成千里隔時危敢

敬業堂詩集卷一

愛一身閒荊州亦是從軍地怪得叅軍語帶蠻

初至荊州韜兄出岳家口留別絕句見示和一

首

竟陵小別無多日又向江陵把一樽此夕憑君談客况
已如三峽聽啼猿

呈大中丞楊公二首

烏巒要荒路幾千牙門小駐且江邊時駐節他年峴首

沈碑會不羨龍山落帽筵千古英雄皆史冊一時形勝

又山川從今覽眺猶多暇口在披圖聚米前

樓船直下擁旌旌絕勝貔貅十萬兵吳漢威名如敵國

魏公倚重抵長城鐵橋傲外先聲度銅柱天南赤手擎

若問封侯何事業征南原是一書生

重陽後六日奉陪中丞公登龍山落帽臺次原

韻

遠上坡陁碧水灣蒼然平楚夕陽間可無好事傳新句
恰有佳名似故山余所居在龍山故云霜氣銷來還綠樹狼烟起
處是烏蠻陪遊不少鄒從事此日風流媿再攀

荊州與楊語可別

一身萬里逐南征八口村居累不輕入幕稍酬賓主分
勸餐真見弟兄情雨清江館啼猿夢天濶砧鄉去雁程
莫怪從軍還作賦仲宣樓畔尚徵兵

荆南秋盡野鶴群飛楊公有詩屬余並作

敬業堂詩集卷一

西

遠遊望滇黔萬里方汗漫中途得小憇朝爽快清吟野
鶴亦出遊聲聞自天半來從織霓端倏過蘆花岾紛紛
排雁陳一一作魚貫或前如導引後者敢奔竄成群似
得朋獨往寧無伴感通在聲氣形影有聚散應防凡鳥
啗未怕弋者篡那將閒人目送汝入霄漢豈無好爵縻
乘軒方好戰當年羊叔子坐鎮示閒晏可憐烟霞姿曾
作耳目翫艷艷驅對客妙舞恥輕炫故澤今重來華表
如再見荆南有鶴澤相傳羊叔子養鶴處但令鍛雙抵警露報昏旦拾
粒仰稻梁野性恐不慣聳身托風馭毛骨庶可換我欲
從之游招手已難喚

荆人田芝來年老好事所居城南隅瓦屋三楹

小庭曲砌雜蒔花竹性喜蓄錦石貯以瓷盆清
泉涵之因狀命名乞余分味余以其名不雅不
欲作詩重違其請賦一章以示意

風日媚冬暄行行歷郊陸登高三百步埤堦轉城曲墻
頭見鵲巢老樹出修竹叩門得小憇寄興抵巖谷白鬚
揖相迎一咲情已屬小庭容旋馬關徑故蟠伏插籬竹
架格對面植花木隔簾霜氣清老葉冬猶綠井然見位
置頗未嫌局促琴書了無塵几榻淨如浴清泉貯磁斗
浮面不盈菊纍纍錦石圓紋理細可矚紛紛誇示客手
點口品目寓形窮想像比喻借金玉余咲戲謂翁此事
取遠俗有生經喪亂竒貨手翻覆錦繡折麟鳳珠璣裂

敬業堂詩集卷一

五

奩軸君家茅堂清枿拱無改築收藏恃無恙彼好非此
蓄奈何清玩具反以穢名辱託名喪其實石意恐不欲
何如兩相忘碌碌復碌碌

初冬登南郡城樓

牢落城南賣餅家空傳形勝控三巴天寒落日千羣馬
葉盡疎林萬點鴉沙市人來穿故壘渚宮烟暝動悲笳
纍纍新冢荒郊徧還有遺骸半未遮

寒夜次潘岷源韵

一片西風作楚聲臥聞落葉打窗鳴不知十月江寒重
陡覺三更布被輕霜壓啼烏驚月上夜驕饑鼠闕燈明
還家夢繞江湖濶薄醉醒來句忽成

雪後

繚牆茅屋閉孤城寒壓鼉厨火未生連日窮陰疑有雨
五更微雪徑成晴坐銷短晷經檐影閒聽隣家壓酒聲
天意似催梅信早望鄉孤客最關情

荊州雜詩六首

要害西南最乾坤百戰餘孤城還矢石陳跡遂丘墟白
日吹笳外枯風落木初暫來戎馬地慙愧得安居
三戶亡秦讖孤軍覆楚師難消終古恨常動後人思形
勝今何用英雄事必奇挑燈繙史傳渾似覆枯碁
中山存後稟失路亦依劉大局分三國深心借一州圖
王須得勢割據豈同仇滿眼俱豚犬應思孫仲謀

敬業堂詩集卷一

十六

梁元仍舊鎮此地屢稱兵禍福憑方士干戈盡弟兄戎
衣臨講殿詩句到巡城世亂文何用君王乃好名
枇杷門外路降表是前驅建業無王氣湘東只霸圖占
星憂客位給札咲家奴秋草荒郊徧元陵問有無
南郡風流地雄藩較久推梨花前隊擁紅粉後車來馬
酒分麀飮狐裘逐兔回明明軍令在蜀道幾時開

洪武銅砲歌

荊州城頭古銅砲洪武元年戊申造土花剝蝕鏽微生
首尾撐撐任顛倒憶時僞漢方縱橫虎視江東勢輕剽
旄鉞鄱陽一戰收割耳淋漓行告廟荆湘指顧入圖版
駕幸武昌懾苗獠遂令守土頒火噐何異分藩鎮險要

邪許聲中走百夫，巨材作架牛皮冑。二百餘年烽燧冷，
講武承平背時好。何來寇賊忽披猖，將士倉皇棄牙纛。
可憐橐鞬等無用，下策火攻恃騰趙。底頁初曾致島夸，
後來特賜紅夸號。豈知將軍竟負國，俯視焦原縱群盜。
彼非吾產，且勿論爾獨胡爲。亦忘報萇弘碧血，釁未足。
鴟尾懸目慘無告，羸顛劉蹶誰惜之。去者自悲來自咲，
而今西南又轉戰。形制雖存力難効，我來見汝荆棘中。
并與江山作憑弔，金狄摩挲掌總泪流。有情爭忍長登眺，
荆州護國寺古鼎歌

臨淮王氣日盪摩，東吳西漢兩燭蛾。天教禹鼎歸一統，
掃蕩不再煩矰落。煌煌開基自建鄴，豐沛大風時作歌。

敬業堂詩集卷一

七

金枝玉葉出九塞，帶礪錫誓如山河。

名山藏分藩記遼王楨洪武二十五

年自衛改封成祖靖難後王自請移荆州

荆州要害古重鎮，水合沱澧山岷。

蟠親藩改封頽重器，汾陰寶氣移騰那。遼宮北望四千
里，輦致遠自清泥塌。遼東地名見遼史本紀 吳牛回首喘甫定，辟

易罔象潛蛟鼉，中容百石外菌蠡。價重奚啻千銷鍋，白

日蓬蓬霽雲起，清宵醜醜香烟和。百餘年間封未絕，嗣

王拱壁垂綵，繩力營梵寺。覬祈福丹碧，插漢高嵬峨。棧

齶層級疊塔砌，翠恩繪藻連重阿。明珠百八綴瓔珞，黃

金丈六袈裟，馱憑將此鼎配。清供位置端正平，無頗干

林散花傳蒼藹七葉覆，影依椽樞居人空巷。競頂禮一

日萬手爭摩挲，抄年深餘潤溢精采。斑駁青綠紋成螺，厥

初賜額號護國豈意國步旋跌蹉西北忽傳盜群起轉
掠印棘揺牂牁叢祠狐鳴妖廟火雄王雌霸紛公膺公
然出陜入曠衍楚境芻突其誰何鳧毛東浮蔽大海轅
塵南下驚織蘿紅巾方見劇賊走白帶又報官軍過紅
蓮幕乏庾長史碧油幢引揚沙哥廟廷無人經略拙覆
餽折足遑知他北門吠犬失利苾南徼跼蹙悲伏波簡
書右方半塗改泮水左耳全欺訛中軍但思挺鹿豕列
陣孰肯領鸛鵝九州聚鐵鑄一字百金立木招群魔腰
間大弓肅肅羽掌上利劍霍霍磨濕袖積屍墳巨壑洗
城漂血生盤渦烏飛白頭竄帝子馬挾紅粉啼宮娥魯
藏大盜竊寶王武庫烈焰燔瑠戈王魚晨穿赤蟻穴金

敬業堂詩集卷一

六

虎夜落毛蟲窠神焦鬼爛逃后羿天驚石破愁皇媪王
坤驚聽或滲漏諾臯載紀從譏訶是時古鼎乃無恙疇
役丁甲來撫呵乾坤元黃蟻旋磨日月來徃龍騰梭爾
來一瞬四十載渚宮已長油油禾昆明土灰識燒劫銅
仙泪雨收滂沱城中故物僅留此坐閱人代成飛柯金
剛寶杵衛帝釋彫篆石碣敲頭陀殘僧近前爲指點詞
客好事事空吟哦吁嗟兮滄桑變易等閒耳區區一物奚
足多

渡荆江

虎渡迴船日又曛旌旗高捲渡頭雲閒鷗意到忽飛去
斷雁聲多時一羣南入五溪江路盡西連三峽楚程分

亂離光景逢人問或有新詩當紀聞

白楊堤晚泊

客行公安界榛莽遙刺天百里皆戰場廢竈依顏垣豈
惟人踪滅鴉鵲俱高鶩但聞水中鳧拍拍繞我船朝來
望豐陽稍稍見疎烟晚泊得墟落渾沙水洄沿天風鳴
枯楊衆鳥巢枝顛居民八九家其下自名村野火燒黃
茆瘦牛皮僅存姻親兒女舍相對籬無爨我前揖老父
歎曲使盡言云自南北爭兵火六七年初來尚易支斗
米換佰錢去秋忽苦旱穀價十倍前朝市有推移世業
誓不遷况聞江南北兵荒遠表延逋逃等無地旅仆誰
哀憐我感此語真歎歎泪流泉有生際化儻朝夕計孰
全悠悠逐徒御即事思田園

敬業堂詩集卷二

十九

公安道中

折戟沈沙極望中勿論猿鶴與沙蟲一江路阻城猶在
萬竈灰飛壁已空便有閒情論戰伐誰能按壘識英雄
分明世事如償博細雨殘燈局就終

過龍陽縣

李衡洲畔水潭潭生計漂流最不堪拋却故園三百樹
來嘗霜橘洞庭南

晚泊安鄉縣六韵

布帆衝雪到小泊記荒程沙岸冬收潦湖光晚放晴百
家成小聚一縣得虛名路險行吟客天驕跋扈兵廢池

猶帶樹殘壘，竟無城不到。干戈地誰知，荆棘生

渡洞庭湖四十韻

一氣吞全楚，孤舟望不窮。兩儀浮澹沲，萬象入鴻濛。水
雪凝壺淨，烟霞拂鏡融。恍疑天四合，長見日當中。散作
魚鱗去，虛憑鳥道通。洪流年莫紀，開壻力何雄。險蓄波
濤勢，陰防霧雨零。落帆分向背，瞻斗辨西東。晶晶趨靈
域，泱泱表大風。回車辭崦嵫，仗劍倚崆峒。絕境何由達，
狂飈偶一逢。未成騎赤鯉，直欲駕晴虹。空曠曾張樂，軒轅
想馭空鸞。雛嬌懈竹鳳，味引荆桐去。約西王母行，邀東
海童舞。幽潛百怪協，律奏群工具。闕清於玉水，簾暖似
烘人。閒常屬耳，天外或呼嵩。沈璧摘辭壯，燔柴望祀豐。

敬業堂詩集卷一

三

居然憑嶽瀆，渺矣托神叢。河伯憂方大，蚩尤禍忽終。長
鯨摧爪甲，封豕殪肥縱。不分驅秦鹿，終成失楚弓。紛紜
吹野馬，變化到沙蟲。貪說含珠睡，乖從割耳聾。蛟涎腥
蚌窟，魚目闖龍宮。往往狼爭肉，紛紛雉離崩。沙埋鎖
杙壞，板拆矇幢短。景西南陷浮，氛宇宙充。客行愁渺渺，
事往惜匆匆。飄泊今無地，吁嗟一倚篷。向來拘眺聽，渾
似出樊籠。弔古夫何及，傷時又不同。九疑荒率指，七澤
蕩明瞳。曠易觸蒼茫，句難消塊壘。衷非才慙擊楫，有識咲
從戎。不作沾泥絮，翻隨別蒂蓬。文詞新畫虎，爪跡舊飛
鴻。壯志銷積俗，流年撫薄躬。中流發長嘯，誰負濟川功。

臘梅和中丞公韻

一枝開異域獨秀殿群芳
扼額黃添暈檀心蜜作香折
應傷歲暮力欲挽春陽待共
梅花咲先期耐雪霜

武陵除夕

嶺徼溪山拍後期楚天風物
莽參差江船雨鬧羹魚市
岸柳波柔飲馬池俗陋初逃
兵火厄年荒真覺酒醪糜
春光已作先庚報試看燈花
爛熳時

敬業堂詩集卷一

敬業堂詩集卷一

敬業堂詩集卷二

海寧 查慎行 悔餘

慎旃集中 盡庚申一年

喜季叔自荊州至二首

會合期難定，蒼茫憶舊秋。烽烟隨地滿，書疏隔年收。
薄宦供驅策，空囊愴去留。荆南曾久住，回首似并州。
再見干戈地方知，骨肉恩人情方畏。虎客路漸啼猿那，
得窮無恨惟應醉。醉勿論如何，連夕話多半是田園。

人日武陵西郊閱武二首

鷹揚盪決勢無前，騎角相持又一年。豈謂陳湯寬吏議，
尚煩充國策屯田。桃花色映巴滇馬，杏葉裝成子弟韉。
漫說秦人曾避地，而今此地是窮邊。

敬業堂詩集卷二

一

如茶如火望中分，鼓角鏐鉦一路聞。黑齒舊疆仍結壘，
綠旗別隊自將軍。轅門誰上平蠻策，朝議先頒諭蜀文。
輸與書生工笑奕，疎簾殘局轉斜暎。

再遊德山爲雨雪所阻留宿乾明方丈次石間

周益公石刻舊韵二首

但令興到便登山，路轉鳧鷖第幾灣。福地自留蒼翠外，
閒身偏在亂離間。殘碑日月看仍在，前輩風流許再攀。
五百年來如轉盼，知從何處證無還。

城外清江江上山，依然白浪捲蒼灣。雪飄燈事闌珊後，
春到梅花淺淡間。竹樹一丘迷出入，樓臺幾處記躋攀。

茶烟芋火前因在信宿留人未遣還

春晴登朗州城樓

沅水湘烟入望深郡樓閒上當登臨晴邊日作薰檐氣
亂裏歌傷去國心芳草迎船迷舊岼綠楊盤馬試新陰
劉申去後空城在水次猶傳上堵吟

三閭祠

平遠江山極目迴古祠漠漠背城開莫嫌舉世無知已
未有庸人不忘才放逐肯消忘國恨歲時猶動楚人哀
湘蘭沅芷年年綠想見吟魂自去來

朗州絕句四首

翎雀彈來新調多竹枝舊法定如何居人不解邊頭曲

敬業堂詩集卷二

二

只唱西風菜葉歌

江干草市竹爲椽容易移家逐買遷昨日官軍又南去
辰溪一路有新烟

雨餘天氣好清明薺菜花開去踏青樂令園荒桃李盡
更無啼鳥入空城

督師聲勢震蠻荆父老徒誇書錦榮不信但看楊相國
遺恩還在鼎州城

武陵送春

時初聞官軍
恢復辰州

筍屐籃輿幾地逢春華一夢記南中草痕吹過青楊瘴
花信飄殘盡角風燒尾蛇應流枉矢驚絃鳥亦避虛弓
桃源只隔孤城外流下辰陽戰血紅

舟發桃源

武陵溪口朗江灣
花落鶻啼血正殷
楚甸回看惟見水
蠻程從此始登山
分穴小劫推移過
避世遺風想像還
但使耕桑能復業
仙家原自在人間

辰龍關

結陣愁雲傷水濱
望中高勢故嶙峋
古來形勝知何地
天下英雄竟少人
獨戍饑鴉喧落日
連營荒草壓征塵
曾經官渡相持後
柵孔枝枝插柳新

海螺峰歌

楚南地窮山聚族
逞怪爭竒走相逐
桃源以上篁箐多
碧玉簪如春筍束
海螺一峰天下竒
形模髣髴神依稀

敬業堂詩集卷三

三

雷砲鬼斧劈不得
造物伎倆初奚施
中豐上銳下微窄
凹處痕青凸邊白
古苔繡錯十六盤
蠻髻椎高二千尺
輕身想像窮烟霄
仰天一咲天爲高
不知猥猥爾何恃
騰擲絕頂相矜驕
似聞老螺生海底
鯢化鵬飛忽移此
偶然蝸殼吐饞涎
倒覆江干吸江水
我嗤汝腹彭亨幾
許寬安能吸盡五
溪之奔湍天公渴
汝一掬慳故實汝
腹封泥丸嗚呼已
實汝腹封泥丸只
合棄置當百蠻胡
爲秀聳拔萬山坐
令荒徼人俱頑

清浪灘

怒勢中流劈浪開
蟄龍潛處起驚雷
衣冠如故神留像
牙角爭雄石騁才
鄉戶幾看疲輓運
洪瀾何事故奔積

炎荒有路天難限百險終須揆施來

北溶驛

西隔辰陽纔百里傷心戰地見何曾尸施林下烏爭肉
瘦棘花邊鬼傍燈井與田平柴柵廢燕隨人散土巢崩
相逢漫說從軍樂一飯無端百感增

辰州

連岡猛火夜燒營繫瓠西來尚有城百雉憑高經雨黑
五溪流惡入江清就傾廬舍全無主畏險舟車半不行
欲訪遺書尋二酉旁人指點笑書生

壺頭山伏波廟

功業變方萬古尊當時朝謗竟騰喧耿舒本意難同事

敬業堂詩集卷二

四

朱勃猶存解詆冤馬革裹屍言竟驗雲臺圖像事休論
中興諸將俱茅土不解於公獨少恩

發辰州馬上大雨

百折岡巒去復迴弓刀小隊轉城隈馬頭雲勢俄爲雨
谷口泉聲併應雷礮礮連山愁路滑離披滿眼惜花開
竹雞無賴啼偏切直送行人度嶺來

宿五里亭

舟行脫險還遵陸跋涉誰知險更并牛跡水添三尺澗
雲頭暮轉一峯晴頗聞西上攀躋苦却咲南遊性命輕
細數道旁雙隻埃辰陽辛苦是初程

羅舊驛

陽明舊日留詩地我到偏傷亂後情
淺草平陂荒徼路殘陽小驛舖司城西
征將帥猶堅壁時前軍尚駐沅州
南牧羊各占營此日蠻人皆佩犢
不煩布穀苦催耕

午日沅州道中

一年傳旅食吳楚隔干戈蠻果枇杷熟
山花躑躅多蒲魚鄉國味風雨客程歌
佳節今朝是誰知馬上過

沅州卽事二首

萬馬南來牧宿荒連山淺草不能長
營門日暮聲如沸論擔分錢買綠秧

官兵十萬擁岩隈糧運頻煩羽檄催
米價最高薪最賤炊烟晴散畫梁灰

敬業堂詩集卷二

五

雞冠砦

絲路微從鳥道分半空雞犬隔江聞
雨聲飛過岩頭砦多少人家是白雲

漾頭司

雲山獅口寨風俗短裙苗兩郡封疆錯
孤城控制造遺民收野芋狹路入山椒
怕見征南騎臨江叱馭驕

自沅州抵麻陽二首

半月天無一日晴亂山處處走溪聲
廢坪隔岫分秋水

楚南皆山地稍寬衍者名爲坪
小砦因高占土城鄉民避兵者俱踞山築城名曰土砦
楚

樹含情如有待蠻花間俗總無名
嶽崎路在風波外不

礙行人觸暑行

欲知黔楚分疆處只在孤雲兩角邊自是勞人貪僻路
也如渴馬愛清泉參天有勢松何健肖物能工石亦妍
一片銅崖青入望夕陽跼跼數飛鳶

初入黔境土人皆居懸崖峭壁間緣梯上下與
猿猴無異睹之心惻而作是詩

巢居風俗故依然石穴高當方木顛幾地流移還有伴
舊時井竈斷去聲無烟餘生兵革逃難穩絕塞田疇瘠可
憐好報長官蠲賦斂彌猿家室久如懸

大雨泊黃蜡關江水暴漲黎明解纜諸灘盡失
矣

頑石堆癭疣清江曳羅帶黔山雖可憎黔水頗可愛雨

敬業堂詩集卷二

六

聲怒流濁曉鏡忽破碎千年老樹枝礪石亞完塊小舸
啣尾去脫葉舞澎湃榜人顧我笑壯士行何畏來當兵
革交夸險視一概誰能守孤蓬鬱鬱坐久待輕生犯過
涉既濟稍知悔

早發齊天坡

山偏嵐氣侵仲夏曉猶冷離披馬鬣濕十里霧未醒流
雲莽迴湯陸海開萬頃東日生其間金丸上修綆殷鮮
一輪而倒射却無影蒼茫樹浮藻叅錯峰脫穎攀躋足
力窮目賞得奇景方知夜來宿乃在最高頂

六月十五夜銅仁郡齋坐雨憶去年此夕同齋
荒兄潯陽對月有作

琵琶亭外記停船昨歲今宵月最圓短篷迴風溢浦浪
孤燈響雨夜郎天文章幕府才相左鱗羽天涯眼並穿
若笑歸程余較遠江樓鹵上又三千

兄時在南
昌幕府

枕上偶成

漏盡雞一鳴遙遙村砦裏須臾徧城市歷亂殊未已晨
光澹列宿虛白上窗紙夜來江湖心夢斷不可理似覺
柔櫓聲啞啞猶在耳

連下銅鼓魚梁龍門諸灘

上灘力相爭下灘勢相借連山百餘里一抹蒼然化輕
舟紙作底百折穿石罅雨電飛兩旁雷霆奮其下篙師
心手習快若王良駕又如鼓強弩東向海門射胥濤浩
蕩來斂怒却退舍河神况小婢拍摘或遭咤因斯悟至
理出險在閒暇向來覆舟人正坐浪驚怕

麻陽田家二首

牛羊爭隘巷井臼蔭高木村村聚一姓雞犬並食宿兵
荒分同死男女不輕鬻所以五溪蠻古來多巨族
俗貧盜見棄夜戶可不設翻爲防逃兵鄉社有團結隔
河聞人聲睽睽鬼燈滅我欲從之言灌莽高八尺

浦市晤宋梅知蕪贈別

與子總角交賤貧互相得自從行萬里始作可憐色兩
萍浮大海後會那可即初春得子書感子遠相憶令兒
久辭家托我覓消息武陵快相遇恍與子面覲頗怪經

亂離神清髮深黑報章走急足與爾慰饑怒十年一紙
書奚啻萬金直平生骨肉恩獨往輕遠涉沅江石齒齒
白日飛霹靂投軀試奇險聚散俱慘戚汝兄我先見我
弟汝新別兩家兄弟間異姓派如嫡銅崖聞子來喜劇
遽走覓買舟下浦市石觸舟中裂怖餘身幸在再理渡
江檝沙頭重把袂迎面淚反滴開口先暄寒次第家事
及子言聊慰我指似聽歷歷舍弟辭人暮今年復家食
別中六寄書此度凡兩接是日接德尹所寄第六札子來喜見兄飄
泊手重執余行別諸弟渺渺孤飛翼同落百蠻中悲歡
儼殊域江天秋平分晝夜五十刻月魄哉初生飛蟲撲
燈入從昏話達旦對酒唇不濕別當爭戰場岐路莽南

敬業堂詩集卷二

八

北子颿已高挂我馬尚羈勒去去勿回頭涼風在蘆荻
重陽前一日銅仁郡齋得韜荒兄豫章信

豫章書到雁程勞山館孤燈夜屢挑怕說重陽又明日
南來何地不登高

兒
銅仁書懷寄德尹潤木兩弟四首末章專示建

客行已度萬峰巔咫尺西南接漏天雲棧險應輕蜀道
布帆穩憶上吳船家書盾鼻題難盡春草刀環夢未圓
了了故園東下路洞庭高浪白門烟

虛名小郡笑猶存官舍無烟米不屯鵝鴨池荒餘棄壘
漁樵人少但空村路窮江口船稀到山近黔東石盡髡

最是子規啼未歇，插天丹嶂起靈猿。
眼見青旗換白旗，幾聞殊俗震餘威。
月斜嚙虎巡城去，風定饑鳥繞樹歸。
超石諸營兒作戲，射生別帳妓成圍。
飛書草檄非吾事，悔著征人短後衣。
阿庚失學阿承癡，滿架殘書急護持。
不願生兒還似父，尚憐有叔可爲師。
殺雞爲黍人誰過，綴鳳粘珠想要竒。
便使他時能典謁，草堂花發是歸期。

高慎旃罷官入都索贈行之句

八年遠宦阻迴車，萬里高堂悵倚廬。
少司寇先歸路已生尚在堂
遲鴻鴈後逢人，猶說亂離初。
蘭成恨滿江南賦，孝穆情眞僕射書。
此去朝家崇吏事，崔瞻蘊藉比何如。

敬業堂詩集卷二

九

送雷玉衡赴印江學博任

雙江路盡還雙峽，此去休論跋涉難。
秋雨隔城聞戰伐，夕烽傳點望平安。
鄉程漸近柰榔樹，宦味初嘗苜蓿盤。
昨夜尊前頻送喜，燈花何負鄭虔官。

得家荊州兄都下書久而未荅夜窗檢笥中舊札因續報章并作二詩奉寄

朔南踪跡兩浮萍，爾渡滄沱我洞庭。
橘柚候依京國雁，茱萸會散故園星。
瘴鄉弓力秋來健，沙磧笳音嶺外聽。
若向此遊論客况，兵荒一眼曾經。

陳東倘許持清議，經濟如兄綽有餘。
夜雨新豐空作客，秋燈絕徼又開書。
絕竒世事傳聞裏，最好交情見面初。

如此畏塗須閱歷興闌吾欲賦歸與

銅仁秋感和劉丙孫六首

風物移黔境關城接楚邦亂山爭戴石細水亦名江遠
燧連苗砦孤燈冷客窗崎嶇經戰地游屐不成雙

吾亦疑天意人間事渺茫陣雲秋易結驛路晚偏長雞
犬無安土衣冠剩古粧少年韉袴好輕薄笑蠻方

郭外於菟穴城中跋扈兵幾時除穰猶終日逐颺蹶警
急傳雞羽悠揚聽角聲草間殘子在却立望昇平

居民竄崖谷頽狀類麕麝薄賦猶輸賸餘生各戀家銅
苗收石綠金氣辨丹砂亂裏輕蠻負何時到客槎

隙火飛蟲入庭隅樹影生月光經雨淡嵐氣入秋清南

敬業堂詩集卷二

十

味疎鮭菜西風到鱸橙可憐鄉夢斷戍柝正三更

莫謾愁羈旅南遊計亦良主爇蘆酒濁客愛野蔬香珠
米升春雪刀魚寸縷霜蹉跎叨七箸容易送流光

秋懷詩 并序

蠻城秋晚風雨淒其懷友思鄉一時并集次第有作
得詩十六章江湖浩蕩分寄無由異日奉几杖於先
生寫心期於同好當出以相質用博和章焉

四海靈光劫燒餘名山一席老仍虛及門漸散天南北

舊事閒隨夢卷舒黨論甘陵多擬似交情中散叅何如
公朝謾有程文海又費先生却聘書

姚江黃夫子掛名薦牘知驅馳無力

不能北上也

事與心違悵久離京華一信底差池望窮難覓衡陽雁
客到遙傳塞上詩南國霜華蓬著髮東籬秋信菊如期
買山歸臥談何易始覺巢由是盛時外舅陸射山先生
久留都下短章勸

駕情見
乎辭

黃浦花深護竹扉隔江城郭鶴初歸風生故壘餘蘆荻
天遣西山長蕨薇註易十年留小草憂時一涕肯輕揮
老衰來往錢唐路藥裹丹爐計未違黃晦木先生註易
垂成近復事黃治

術之

青山無恙罷登臨收取雄才入苦吟快馬短裘他夜夢
荒亭野史故交心謂金正
希先生愁侵衰鬢絲何極老傷窮途
感易深一片臺城吹角外秦淮烟柳變秋陰王汾仲寓
居白門

敬業堂詩集卷二

十一

板輿自草閒居賦駿骨何心羨築臺評許客來論舊雨
能令人妬是竒才對門瓦屋相望住謂斯年
分虎稱意溪花
一笑開還有江山傳好句青蓮曾到夜郎來長水李
秋錦

南戒江山破涕新博臬壺馬鬥長貧英雄混跡疑亡賴
風雨高歌覺有神一劍乾坤鳴怪事六朝裙屐咲文人
采蘩橋畔留詩別母在尤宜惜政身白門王
璞卷

管鮑雷陳原有數臨岐執手語分明後來此會知何地
同輩如君豈好名薄俗誰堪論古道浪遊吾恐負平生
但令出處存初約應諒天涯共此情客夏同人餞別於
殮和堂聞故鄉社

事紛然感懷同志作
詩寄主人朱與三

憶從奉杖別岩隈遠枉馳箋又一回軍角風高蟲語合

獵塵秋早雁翎開石光敲火三年過銅柱無名萬里來

珍重先生期許意緘題欲報每遲徊家伯二南遠書見示

酒幔河橋柳拂絲故人欲折並依依篋中行卷春留別

畫裏孤颿客憶歸蠻郡秋聲迴鼓角戰場風力展旌旂

賣文剝買防身劍不改從軍一布衣朱人遠陳揚謙子

見送繼緒之意別後不忘也

三徑無資謾管絃清才差勝廣文擅藍田記入昌黎集

絳帖碑留淳化年一縣葡萄秋釀酒千家砧杵月臨邊

豬肝不用供他客雙鵲東軒信早傳陳子文舉家赴安邑丞近聞子厚亦

作晉游同此致意

存歿相關事忍論桓山翼折嘆賢昆謂鳳司久從恭謹傳

敬業堂詩集卷二

家法却幸諸孤聚義門二頃良田貧減價兩朝汗簡淚

添痕買隣擬就墻東住及取遺風教子孫祝彥方南宮下第開門讀

史撫孤姪如已出言念及此不無存歿之傷

望衡對宇雅相親南阮才高不諱貧帶雨村春晨隔巷

欵門燈火夜留賓兩家子弟如行雁一姓婚姻少比隣

角酒爭棋曾此地荒雞絕徼夢何因王子穎右朝兄弟

石佛橋邊一繫舟遠來情感寄書郵關心風雨經聯榻

輕命江山博壯遊木葉波仍浮楚甸蘆花雪又滿吳洲

莼鱸橙蟹家鄉味容易懷人負好秋徐孝績有書見存並簡盛鶴江徐淮

江程禹聲諸子

消息烽烟萬里通憐余踪跡久從戎羞言處士河陽暮

豈有書生絕域功浴鐵甲分秋練白蠟丸書傍燭花紅
知君矯首西南望懷友思親一概中

得揚尚木
京邸書

晴川高閣揮杯後兩度西風閱歲華鸚鵡夢銷江上草
鷓鴣啼老日南花舞迴雞枕宵初半讀罷魚書飯好加

莫道楚材多放廢居然屈宋起家

漢陽王孟
穀羅魯峯

曾作江湖同隊魚洞庭南上更愁余舊遊想像重題閣
故國平安有報書去日兒童皆項領同時牛馬亦襟裾

捉刀未了生涯事只是羞乘下澤車

與韜荒兄江陵分
手兄赴豫章余至

沅南相望各天音塵夙
隔比得鄉信因寓感懷

同沈將雲楊魯山遊銅崖

雙江合處勢滌洄地盡中流忽有臺沙際馬知寒潦縮

敬業堂詩集卷二

三

城西鴉帶夕陽回年深兵燹碑難讀路入榛蕪眼劓開
片石只從開闢在題詩曾閱幾人來

天擎洞歌

黔江自與楚水通楚山不與黔山同神靈有意幻奇譎
使我豁達開心胸初披榛莽覓微徑旋渡略約踰奔洪
水窮雲起巖洞出外象軒翥中含空陰叢轟轟聚蚊蚋
老骨硃硃摧虬龍懸崖俛瞰勢將墜一柱窅兀撐於中
蜂房倒垂作層級鐘乳亂滴穿玲瓏不知瀑布之源在
何許天紳飄下朝陽東石梁截斷千匹練明珠迸出鮫
人宮又疑蜥蜴吐沫散水雹寒氣飈飈生迴風長林豐
草四時潤雨露不到誰尸功

重過齊天坡

十月新寒瘴已輕萬峰濕翠雨初晴人來天際斜陽影
馬踏雲中落葉聲杼軸誰憐民力盡郵亭遙數戍烟生
半年遊跡愁重到何計雲山慰客情

再至沅州哭劉丙孫二首

幕府論交快得群天涯失意手重分不應小別輕揮淚
豈謂重來果哭君中秋前在銅仁酒盡賣衣裳供薄殮
誤他僮僕遠從軍瓦燈相對僧窗夕忍讀龍場瘞旅文

劉官吏
目故云

偶然倡和成詩識鵬賦長沙最不祥丙孫秋感詩有長
沙鴉似鵬腸斷洛
陽年之句萬里慙余稱好友一官累爾死殊方招魂有母傷

敬業堂詩集卷二

古

垂白鼻襯無兒等國殤拚却負薪貧也得九原應自悔

辭鄉

劉爲安丘
相國次子

送楊魯山省覲歸里

殷勤卮酒別蠻天安穩圖書壓客船經眼雲山窮戰地
稱心詩句遠遊篇綵衣綫綻三秋後白髮花穠八座前
不載丹砂供服食閒居一賦已如仙

夜觀燒山和丞公韵

寒空月黑燄初熏照夜俄生萬嶺雲赤幟千人爭趙壁
火牛百道走燕軍危時莫以烽爲戲我意方憂玉亦焚
不信劫灰吹不盡草間狐兔尚成群

麻陽運船行

麻陽縣西催轉粟人少山空聞鬼哭一家丁壯盡從軍
老稚扶攜出茅屋朝行派米暮催船吏胥點名還索錢
輓轆轉組出井底西望提溪如到天麻陽至提溪相去
三百里一里四五灘灘灘響流水一灘高五尺積勢殊
未已南行之衆三萬餘樵爨軍裝必由此小船裝載纔
數石船大裝多行不得百夫并力上一灘邪許聲中骨
應折前頭又見奔濤瀉未到先愁淚流血脂膏已盡正
輸租皮骨僅存猶應役君不見一軍坐食萬民勞民氣
難甦士氣驕虎符昨調思南戍多少揚麾白日逃

雪後平溪道中

時官軍初復貴陽

馬足聲堅凍未融楚南晴雪照黔東百家廢井懸軍後

敬業堂詩集卷二

五

一路啼猿灌莽中斑白逢人愁鋌獸萑苻何地集哀鳴
書生亦有傷時淚袖濕征鞭裹朔風

清浪衛廣福寺

瓦礫城隅萬竈旁居然古寺比靈光殘僧一去塵蒙佛
畫角孤吹夜雨霜劫過昆明灰尚黑年深龍漢事全荒
斷碑知是何年物野火燒來栢葉香

飛雲巖

白雲本在天變幻隨所到無端忽隨此穴地啟洞竅石
髓久漸凝靈姿特神妙軒軒勢欲舉外秀中鶻鷲望勞
佛力鎮刻畫恣凌暴山靈怒不受企脚首頻掉猶虞從
風揚出山不可叫呈形寓百怪意想得奇肖昂昂舞獅

象狼狠蹲虎豹蛟龍護鱗甲鸞鳳披羽翮或疑人卓立
又似波傾倒形容口莫悉覽勝難領要造物太雕剝將
毋元氣耗林泉爲映帶旁引轉深奧清陰矗古栢遠響
落幽瀑遂令過客心出入殊靜躁惜哉靈勝境乃落西
南微好事偶一逢高情復誰較獨留陽明碑千古表蠻
獠

王文成月潭寺碑記聖果亭偈石刻俱在焉

度油榨關

平明走馬出城圍峭壁西風冷偏身轉粟上天非易事
據關連柵復何人雪填土窟埋屍淺水裂刀痕迸血新
等是三災逃不得疆場溝壑兩窮塵

題鎮遠中河寺後石洞

敬業堂詩集卷二

六

一片青山展石屏天光西豁灑陽城豈知躍馬橫戈地
猶有晨鐘暮鼓聲

黎峨道中二首

馬滑前岡冷未消

冷音另黔中冬月霧雨之一候道滑成水俗呼爲冷

一鞭絲雨

上衣潮瘴茅黃過三郎舖寒水清涵葛鏡橋

青紅顏色裹頭粧尺布縫裙稱膝長
矍佬打牙初嫁女
花苗跳月便隨郎

黔陽雜詩四首

蚩尤百丈吐寒芒

時有彗星之變

殺氣西南莽未央
燕雀君臣

空殿宇蟬蛸身世閱滄桑
亂山似作孤城衛
橫戟誰堪
一面當錯料夜郎知漢大井蛙曾此自稱王

休將臥虎比前禽諸將功高賊未擒
柁馬隔城邊草瘦暮鳥啼曉陣雲深
盤江路盡黔疆險鉤棧人從蜀國尋
一片壽陽汚血地浪傳田叟哭王琳

玉斧銅標界有無
苴蘭城外亟儲胥
田橫客已辭窮島
樂毅功難敵
誦書官濫羊頭爭獻鏡
謀新鼠穴可乘車
英雄穉子論誰是
廣武登臨歎有餘

吹唇沸地勢縱橫
約束人稱峽路兵
間道無援防豕突
叢祠有火散狐鳴
殘年租賧催何急
鬼俗流離命已輕
勿倚弓刀能殺賊
向來漁獵本蒼生

送王兔菴學博赴安順

芭蕉關前打戍鼓
漏天十日九日雨
西征健兒猛于虎

敬業堂詩集卷二

七

道傍箐深狸伺鼠
朝行縛人暮驅牯
張目睚眦避無所
仲家生苗皆無主
肆虐公然曠強弩
野無烟市絕行旅
飛鳥山山鍛毛羽
爾獨胡爲此焉處
別家十年長兒女
失意勿復論鄉土
文章下筆造奇古
詩法亦可籍湜伍
髮須如絲白縷
縷宛然褒博說鄒魯
及門弟子紛可數
往往功名拾芥取
先生齒豁五十五
猶抱麀經應科舉
廣文片瓊寒且苦
顧獨求之榮袞鞠
僅留僮僕喪資斧
別我西行何踽踽
我爲爾歌爾起舞
舞意低昂歌激楚
而今輸邊方用武
何處堪容腐儒腐
桑榆有路行可補
曷不去作咸陽賈

貴陽除夕次德尹去年此夜湘南見懷韻

秦城趙壁價誰償
隻影隨身漫去鄉
劍氣久寒忠拂拭
雞聲無伴起徊徨
吟殘蠟燭三更笛
夢結春雲千畝桑
不是無家輕遠別
天南回首一摧腸

敬業堂詩集卷二

敬業堂詩集卷二

六

敬業堂詩集卷三

海寧 查慎行 海餘

慎旃集下

起辛酉正月
盡壬戌四月

辛酉元宵月蝕

顧兔乘鸞事總乖，暗塵誰鬪踏燈鞵。
但期來歲圓還再，肯照人間缺亦佳。
金筑舊聞荒野史，玉川竒句抵齊諧。
素娥似有刀環約，漸放清光入客懷。

黔陽蹋燈詞五首

川主廟前喧笑來，花蠻投獮學裙釵。
馬鞭攔入北門去，閒殺新城晉定街。

不用彎環竹架棚，長條宛轉曳紅繩。
月光人影蒙籠裏，

敬業堂詩集卷三

一

一色花籃廿四燈

雄蜂雌蝶擁官衙，先後輪番唱采茶。
忽轉歌頭翻四季，

聲聲齊和牡丹花。龍尾龍頭五丈餘，
葺鱗鏤甲洗兵初。班頭舊出霧官閣，

鼓板中間領木魚。

赤脚娼徒鬧掃粧，木梳籠髻去隨郎。
一年一度蘆笙會，又趕春山跳月場。

滇南從軍行八首

漏臥响叮接夜郎，井蛙穴鼠只尋常。
開邊使者今頭白，他日嬰兒號竹王。

旨下羊皮督責多，前軍追電出洋柯。
城烏三匝重圍外，

聽唱先鋒敕勒歌

捷書夜半刺閨還再發西山板楯蠻特賜龍家懸鵲印
土丞新綴總戎班

金馬關頭毒草春道傍掩鼓不驚塵受降老將幽燕種
半是當時獻鏡人

三道兵威轉戰餘革囊潛渡計何如肉屏盡向金沙路
可少姚樞裂帛書

朝家納粟重輸邊卜式才高逐賀遷不是湟中甌脫地
何勞封事策屯田

天地鴻濛儼再分別傳科斗出奇文就中機密無人識
惟見飛書入北軍

敬業堂詩集卷三

二

稱帝稱王意自慙投瓊一咲抵朱三桔槔烽火同兒戲
兩度燒營到博南

軍中行樂詞十首

旌旗小隊插竿竿簷簷聲中路百盤明日山頭移帳去
牛毛鵝毳滿兵欄

猩猩貼地坐鋪氍紅點酥油一樣鮮普洱茶煎百沸
偏提分賜馬蹄前

斑鹿黃羊左右盂射堂割炙盡羶腴行廚可口烹鮮味
新淪羹湯進鷓鴣

粵西白獺近來多項鎖金鈴跳碧波鷹犬技窮渾不用
旌門別唱打魚歌

果下名駒愛水西騎來鬣鬣剪初齊戰場多少洮河種
骨立秋風向北嘶

臂鞞小鵝覓窠雛密箐深榛近却無駙馬手書馳驛到
羽毛四出比軍符

仲家苗弩末猶強機轉銅牙怒蹶張楛矢舊曾克武庫
特煩中使到炎荒

衙頭樵牧占官莊射虎歸來白日藏
夜夜橫屍荆棘地浪傳車騎出南塘

萬里京華十日通雲邊優詔下軍中錦袍貂帽征南將
拜賜從誇第一功

五千名籍隸西江乳臭居然擁節幢太尉一軍長不調

敬業堂詩集卷三

三

擣蒲蹴踘自雙雙

邸報二首

曾趨絕域拜毘盧降將還朝籍未除博得封侯須好語

太平天子是文殊

暴露揚灰罪未伸肯容武庫貯亡新專車長狄僑如骨

四出猶煩驛騎塵

即事二首

纓婦粧成細馬馱梨園立部曼聲多太常別有平蠻樂

不取金釵玉樹歌

幾處開疆議叙同綵旗歸去亦分功新加細鎧銜都督

寶頂朱纓隊隊紅

諸葛武侯祠

割據人才出真從運數爭苦心扶季漢餘力到南征廟
古寒鴉集山高薄雪成渡瀘緣底事錯莫咲書生

自正月以後不得德尹消息用少陵遠懷舍弟
穎觀等一首六韵

聞汝辭人幕經時少寄書兵戈淹別日梅竹且村居池
草詩爭秀蠻燈歲逼除兩年期易爽十口計全疎殘雪
啣雙岫春冰破一渠依依游子夢長自繞林廬

白櫻桃花歌

空庭瘴消風日春櫻桃花頭繁且勻枝南枝北並時放
初月隔窻浮粉雲梨花無香李太白別具幽艷存天真

敬業堂詩集卷三

四

山胡飛來好毛羽字清調熟啼聲頻金鈴風細驚不起
啄花如妬花含嚙。有時一片近人隊酒面掠過香烟煜
故園開時記寒食年年讌賞遲芳辰依稀為汝評品格
杏花顏色同鮮新眼前一樹白堆雪開及二月當初旬
近南已得天氣早雅態更自離紅塵有情相對萬里外
一醉何必非前因明年花時定誰賞我是今歲吟詩人

得家信

吉禮除喪後悲驩意各真他時憐弱穉此舉慰先人與
俗寧從儉傳家合稱貧一門婚嫁畢兩姓恰朱陳

歸朱季弟
今春聘陳

寒食看海棠

不見鞦韆架榆烟火又更轉防花咲客眞覺雨無情綺
句紅紗護微風翠幄迎萬山樵採盡憐汝獨傾城

偶遊東山寺

草長忽無路重來跡已陳寺貧僧乞食臺古佛蒙塵兵
火殘碑劫鶯花絕域春近南多戰壘愁殺獨游人

檳榔

不愁侵瘴癘開闢得竒功遠客熏顏醉蠻獠論口紅香
迴金醴液清漱玉川風萬里經相識誰憐庾信同

柳詩莫言行萬里曾經相識來

啣酒

蠻酒釣藤名乾糟滿甕城茅柴輸更薄桐酪較差清暗

敬業堂詩集卷三

五

露懸壺滴幽泉借竹行殊方生計拙一醉費經營

送彭南陔赴長沙即次留別原韵二首

畫灰竒計決從戎入幕何妨許掾聾鄭俠圖曾傷目擊
陳琳檄可愈頭風嘉魚有味江東好老馬無群冀北空
車壁擊殘壺口缺白頭白盡雨聲中

湘中風物近何如太息羅含未定居竹閣語清悲擁髻

芝田春秀夢迴車頻垂旅橐千金散獨泛歸舟一葉虛

劫火不燒周易壞音氣君枕秘發竒書南陔臨行授余河洛易數

三月十五夜夢遊南湖追憶舊好因寄淮江

夢趁歸心得故園鴛湖遊跡宛然存濃烟隔浦浮諸塔
春樹分行綠一村萬里烽烟遊已勸三年光景向誰論

往來最憶尚書墅柔櫓伊啞直到門

四月十六夜喜雨

天苗小砦破春畊異俗差堪慰客情萬井雲烟扶小閣
四山雷雨動空城漏侵書榻移難定臥想園廬去未成
好是綠針浮水候陂塘徹夜有蛙鳴

黔陽即事口號三首

帳有炊烟戍有樓山無林木水無舟王瓜入市家家病
箐雨經梅日日秋苗婦短裙多赤脚僮僅尺布慣蒙頭
兵荒滿眼圖誰繪卉服先教遞速郵

土產丹砂及水銀若論肥賤自來貧蠻分烏白皆名鬼
饜合東西略似人蕝葉分鹽沾鴉舌檳榔和血點猩唇

敬業堂詩集卷三

六

水西小馬新來貴買得偏誇內廐珍

役夫肩背幾曾停賴尾歌殘忍再聽劫過流亡初著籍
碑傳德政已鐫銘羊腸鳥道千盤瘴馬背牛皮百鞞釘
正是西南需餉亟螳螂川路接蜻蜓

恭謁陽明書院

不遣先生成謫宦誰將理學闢荒榛後來事業皆由此
異俗詩書遂有人複壁只今留絕徼劫灰終古怨亡秦
講堂亦與兵戈厄馬踏空堦萬瓦塵

送秦望兄東歸

萬里相逢有弟兄羈孤無那送君行兩腥雙袖弓刀血
風靜諸山草木兵夢裏田園重到眼蠻中兒女自成聲

極南從古無秋雁歸去休輕議子卿

懷葉鄧林副使播州

重巒疊嶂鎖空壕蜀徼孤城近不毛佛現催晴秋閃閃
鬼車啼雨暮騷騷宦途載涉應知味鄉夢頻歸可憚勞
計日江南秋信好黃花酒熟待登高

得都勻汪明府子叅書却寄

劔河秋漲轉山鳴桂象天低瘴壓城旅况難辭邊邑苦
蠻人能愛長官清巖光夜放金蠶蠱兵氣秋荒木箭耕
此際回頭家萬里可因捧檄慰毛生

送李子受往武陵並簡山學禪師

不是無家等罷官客中即次取粗安江清城郭移帆過

敬業堂詩集卷三

七

戰定棄麻避地難落日孤鴻迴健翻西風老馬卸征鞍
鄰侯自具神仙骨燒芋差宜對嬾殘

楊大中丞壽讌詩八十韵

宇宙方多壘英雄必大儒兩朝懸碩望一代應貞符學
貫天人策才鎔造化爐清名傳四世賦價麗三都暫應
郎官宿旋樓禁掖梧龍鱗批可畏虎齒探何虞銳氣真
無敵虛名自不沾在廷推小諫有識服訐謨十載官難
調三遷秩稍渝納言班漢爵罔命入周書繼領霜臺牙
重聽柏府烏花驄行盡避赤棒或時須姻婭論權貴歡
傳溢路衢異時公望合一德舊臣孚再秉金銀管弘開
貢舉途風流歸吐納文義關榛蕪桃李公門盛茶烟瑣

院哺薇猷真藉甚經術故非迂撤帳傳衣鉢臨軒命僕
夫上情深眷注廷論協都俞鎖鑰西南重 恩榮禮數
逾雕鞍紅叱撥宮宴玉盤盃朱芾加元老黃金賜內帑
不應煩侍從直為寄形依赫赫千秋業明明萬里塗三
旌紛照耀單騎歷崎嶇憶昨初開幕殘疆尚負嶠客塵
雙短髯時事一長吁深箐蠻調象叢祠鬼托狐蒼茫生
膽勇警策戎衣縵大義攻鳴鼓先聲算獲俘壇場收老
將舟楫付烝徒轉粟時方亟屯田計似紆量沙俄積聚
編戶悉將輪剖斷才無滯沈深意每殊幾時休戰伐隨
處萃逃逋間道纔通蜀前軍已渡瀘焚巢移渥朴拔穴
徙於菟及見干戈息從教政化敷時危須震厲地瘠賴

敬業堂詩集卷三

八

支吾樓爲籌邊築弓因克敵呼經年煩草創即事具規
模俗陋雖難化苗頑亦可忤羈縻存體統拍摘訝睚眦
發難相如檄留心鄭俠圖御囚仍有禮討罪每矜辜疾
苦逢人問瘡痍試手扶心銘關感動口惠詎驩娛春雨
膏曾徧秋風病卒瘡哀憐看賣劍痛切請蠲租澤雁勞
初集吳牛喘漸蘇陰功多被物憂國細傾壺世儘榮殊
遇公猶孫碩膚乞歸辭婉委 優詔答勤劬法曜輝南
極 皇威暢兩隅印金龜轉紐袍錦鶴呈珠側聽中興
傳誰云往事誣穀城傳拍石鈴閣叶懸弧俯仰差無負
韶華好自愉長生花是桂異域酒名蘆野獵登麋鹿山
肴進鷓鴣黑頭光黼黻明目艷毘瑜仙骨清方貴豪家

習摠無風華矜少壯顧盼指須臾瘴癘披襟淨烟霞滿
腹腴西園催刻燭東郭濫吹竽賤子通家舊頻年幕府
趨孤踪隨泛梗里耳厭皇葵自比依枝鶻誰憐伏櫪駒
襄陽留叔子夏口滯元瑜鄉思年年共陪遊往往俱禮
優慚上客才短惜微軀知已能容拙開懷必盡愚但令
親几烏何用苦牽拘古有輕投筆人今異執爨詩狂容
杜甫揜狹笑淳于感憤尋常失蹉跎歲月徂受知非泛
泛述報祗區區醉酒杯長潤啣毫墨未枯平淮碑好在
未敢憶江湖

九日同赤松上人登黔山最高頂四首

絕磴扳躋望已窮忽穿鳥道入禪宮雲端方丈娑羅日

敬業堂詩集卷三

九

井底孤城鶯築風草木連天人骨白關山滿眼夕陽紅
興亡何與閒僧事一角枯碁萬劫空

空谷西風晝怒號山寒九月馬歸槽路危怪石驚將墜
天縱諸峰勢競高羅甸一軍深壁壘滇池千頃沸波濤
勞人何限登臨意不向糟丘覓二豪

諸將開邊振鼓鼙幾聞京觀築鯨鯢巴賈未脫金牛險
土貢長聞櫪馬嘶事異汶陽休許魯謀新曹沫恐輕齊
亂山中有豺狼穴曲突何人議水西

渡瀘溝畔闢新阡瘦棘荒苔半石田漸有疎烟生郭外
那無一雁到天邊蠻方對景憐佳節客路登高感去年
落帽臺孤風雨暗短裘長路又三千

十月二十二日接德尹長沙第二信驚聞三叔
父訃音旅中爲位而哭悲痛之餘得詩三章

荆南風雨沅南雪幾處追隨意最親乍喜遠遊依骨月
却愁別路沮音塵人來絕域原拚命事到傷心每怕真
兩地存亡身萬里一襟啼血隔江濱

燈花剝落雨沈沈昨夜長沙有訃音薄宦竟虛三徑計
首丘終負九原心老成頓盡天難問家運中衰勢不禁
好與精靈扶後起松楸先兆已成陰

臯魚路盡獨悽然此意能生叔父憐豈謂縲麻辭故國
重將涕泪洒蠻天孤蹤黯澹成千里一信蹉跎到半年
也擬招魂歸未得瘴鄉誰與慰沈懸

敬業堂詩集卷三

十

得荆侯姪習安訃信拭泪寫此并寄尊人楷五
兄二首

手札頻開破旅愁訃音此夕黯然收眼枯倦枕孤燈淚
天偏哀猿萬壑秋憂患豈知緣識字男兒眞悔覓封侯
一棺難揜平生氣鬼火高于百尺樓

黔雨滇風近十年歸裝臨發尚遷延浮名誤汝今如許
異域生還洵偶然贖與孤兒留筆硯最憐少妾賣花鈿
倚閭別繫高堂望旅櫬何時到墓田

老僕東歸寄慰德尹兼示潤木

迢迢萬里途莽莽三歲隔離悰兼旅况雜沓難並釋欲
寬居者情聊紀獨行跡前年遠辭家荆南事挾策中丞

天下賢謁入容揖客賓徒車服盛中有麻衣雪徧臘踰
洞庭羽毛風瘳瘵武陵一春任山水愛澄碧尋僧就閒
暇橫草應煩劇隨師赴辰沅跋涉隣殞城麻陽三挂帆
銅仁雙著屐前軍灑陽戰破竹勢深入徧臘抵貴陽孤
城如破驛荒署瓦僅存窻戶悉頽折移時開敞篋稍稍
置硯席主人況巨才手自樹英烈蠟丸刺閨至文案日
幾尺岑范媿幕僚但坐看擘畫邇者西征將繼被中旨
責已合兩粵師咽喉勢交搯滇城久未下攻守力云竭
師久必屯田其能懸釜鬲熨僮窳榛廢土曠牟麥卽
事常躊躇察眷愴捐瘠那無一尊酒排遣就務隳蠻花
非時開花鳥亂格磔窮愁託吟咏好語慰行役束縛得

敬業堂詩集卷三

七

蹉跎年華坐拋擲憶昨初來時針孔冒矢石髑髏委亂
草霧淞雜凝血馬驚忽騰躍人意一悽切亂離民命輕
鷄犬等狼籍僕夫掖我前慘慄度軍柵回思田園樂歲
晏情逾迫功名捷徑啟大府破常格我無卜式賞寸進
計斗石移文累好友初約背疇昔全生爲門戶識者應
見惜枵然旅橐垂念爾勤拊撫家門忝居長慙愧少擘
搯子言嫂姪貧何忍分涓滴不記少小時推梨恥割宅
開函見子意至性生感激族譜教方表錙銖起墻闕豈
知手足恩具邇異疎逖卽此慰先靈庶幾免離析草堂
父書在千卷皆手澤西園梅竹林十畝錯塍陌得錢了
公稅餘用佐菽帛讀書兼治生生理恒苦窄吾方逐游

情勉汝終苦說長鬚隨我久懶惰亦成癖憐渠筋力衰
遣去情脉脉臨發寫此詩萬山猿叫夕

烏山戰象歌

并序

歲六月前軍轉戰于烏木山陣獲三象遂以捷告驅
象北行道出貴陽觀者如堵僕爲作歌

烏山轉戰煩驍騎鴉鳴牙中風捲幟南人驅象迎我軍
鼓未成行氣中潰渠豪力盡投深箐竄鼠奔猿互顛躓
是時三象屹不動却立如山鼻垂地將軍獲象等獲俘
陣上懸金募生致須臾拔箭膝行入柱聳圓蹄一十二
橐駝珠玉壓背裝象也輕身受人制我聞內廐舊成群
食俸曾援三品例牙花雷雨偶一開何必焚身因挾賄
此行生死隨所置莫更回思戰場利君不見功成則騁
敗輒降世上男兒盡如是

敬業堂詩集卷三

主

送人赴黔西

羅甸西游影倍孤亂猿啼入贈行圖邊城事少餘詩興
幕府花開散酒徒北鴈久遲鄉信到南霜偏著客髯枯
封侯不是書生事投筆無端咲渡瀘

咏史八首

翻覆興亡閱兩朝老來劉淴氣逾驕十年賓客謀何密
四海漁鹽利頗饒西貢幾曾歸武庫南琛無復換文貂
徒薪可少長沙策一擲金甌險得巢

近說孤鷄死首丘特煩獻馘入皇州朝家舊識田橫面

飲器難寬智伯頭，視墓敢容雙騎客。爭功何與什方侯，
天南從此無征戰。上苑昆明罷習流。

輓轡綆斷井應枯，溢主休傷押不蘆。粉麝餘香啣語燕，
珮環新鬼泣啼烏。殘粧掩鏡雙蛾短，白氍埋沙尺土無。
別有紅粧連騎入，金盤銀燭揀明珠。

析骸食肉一城空，阿父空提五尺童。旅火焚巢何自苦，
齊書飛矢竟誰功。大臣未必憐朱瑒，故吏寧須問向雄。
滿眼殘黎皆僕妾，向來跼縮倚神叢。

風急降旗舊折竿，播州歸甲極凋殘。一時管統援師盡，
同日臧洪赴死難。赤手何顏還抱馬，白頭無望復登壇。
大斤山下逢隋將，猶作燉煌戍卒看。

敬業堂詩集卷三

三

襲美官高並入秦，他時聲望起紅巾。豈應東市陳尸客，
妄比南唐下第人。記室有文慚勸進，霸才無識笑輕身。
鴻毛一燎全家盡，豫讓橋荒鬼火新。

勾漏龍門接壤間，謾勞回首望刀環。銷沈戰壘金沙澗，
畫斷關河玉斧閒。季布敢論亡命去，田疇爭許奉書還。
滿堂舊日三千客，幾個聞鷄並出關。

大廷一意注安危，充國金城事不疑。滇海有人聞鬼哭，
棘門此外盡兒嬉。古來成敗原關數，天下英雄大可知。
莫嘆書生無眼力，與君終局試論碁。

黔陽元日喜晴

以下
壬戌

曙色晴光一片明，亂峰銜雪照孤城。未吹北笛梅先落，

纔及東風柳便輕萬里烟霜迴綠鬢十年兵甲誤蒼生
眼前可少豐年兆野老多時望太平

楊南城自鄢陵陞任劔川州牧道出黔陽因病
乞休比方養痾黔霧山寺高其勇退之意作詩
贈之

如此山深可耐寒鬢絲禪榻且盤桓日南郡較中州僻
天下官惟牧守難世路交情雙髻換春風歸信一帆安
君家舊住吳淞岸三泖烟波底樣寬

送友人入蜀

揚鞭倚劔出牂牁鈎棧盤雲幾驛過盜賊烽銷諸郡僻
英雄祠入亂山多卜居未穩寧論地行路雖難莫放歌
便擬題詩繼夔後此邦風物比如何

敬業堂詩集卷三

古

水西行

烏蠻遺種稱羅鬼剽悍斷頭能掉尾傳從濟火年代深
世土居然屬宣慰我從里俗詢大概復取興衰質諸史
中古荒茫不足論淵源請自先朝始洪武初年禍亂平
遠畧僭荒來越舊是時奢香一巾幘躍馬金陵謁天子
承恩歸去立竒功一諾西南九驛通却咲五丁開不到
亂山高下隔蠶叢二百餘年太平業世世分藩比臣妾
後來生聚啟規模四十八支互蟠結別開荆莽起臺殿
硎户礪房高櫛櫛已分王土作王臣旋練夸兵護夸穴
剝牛磔犬片言重聚蟻屯蜂一呼集布囊籠髮擅覆肩

負弩搽刀輕出沒，秦和功烈汾陽亞。神廟中年平播賊，當時亦用水西兵。驅使前行借餘力，釀成殃禍啟禎朝。殺吏圍城氣漸驕，深宮南顧鞭難及。諸將西征功屢邀，土司如狼吏如鼠。八捷餘威棄歸路，內莊一夜隕河魁。明日三軍齊縞素，眼中大創真無幾。可惜偷安旋就撫，閣鴉關外曉傳烽。靄翠營南夜鳴鼓，爾來桑海變須臾。此輩根株未盡除，夸性陸梁還似故。朝家謀畧故非疎，經營特借強藩力。辛苦開疆一載餘，至今父老猶能說。墨守輪攻真勁敵，老窠地險石作城。要隘不容雙騎入，銅牙毒矢斃濡縷。竹柄長矛利鉤棘，馬蹄過嶺捷于猱。革甲環身輕似葉，連宵斫陣萬炬明。散入深林曉無跡。

敬業堂詩集卷三

五

蛇神蠱鬼助饕虐，飛食人頭吐人血。岩前路斷臨奔壑，失勢一摧千萬尺。四山伐木斲作廂，裹用牛皮冒生鐵。石椒懸絙下槌門，雷斧轟天巨靈劈。攀藤健兒氣力盡，拍手蠻娘咲投石。重圍坐困又經時，轉粟方愁乏良策。豈知存滅總關天，渠首終成戲。下懸萬嶺提封開，四郡一朝腥穢滌。千年自此巖疆少，蜂蠆餘威遠懾諸苗砦。空留徼外廓，清功自蹈人間僭。亡罪此日重勞問，罪師烏飛三匝失。棲枝忽傳耐德生，還日趙氏中山尚。有兒烏蒙犄角稱甥舅，曾是安坤舊婚媾。也挈遺孤代乞哀，復歸故土希恩宥。頗聞軍令競邀驩，滿許閒田復見還。土貢紛紛呈鐵踏，庚苴往往賜銀盤。寄語封疆諸大吏。

從前開闢談何易莫貪扯手納金錢此事孤雛有深意
輸糧禽賊爾何功王會圖成戎索同不見天心今厭亂
戰場新鬼盡英雄

中山尼

中山女尼顏似玉布襪青鞋行彳亍白日潛形灌莽中
逢人不敢吞聲哭自言生長本名家阿父才名宋玉誇
千里飄飄隨遠宦一家迨邁入三巴養成嬌女嬌無偶
掌上明珠唾隨口花前侍妾盡知書鏡裏新粧時學母
自從觀察去朝天官署清涼遂可憐寇盜西南俄阻隔
羣氛狼鬣掃東川孤兒寡婦皆臣僕翠袖拳蘿行補屋
賣散平頭計漸貧嫁分紅粉身何獨飄零無賴到南遷

敬業堂詩集卷三

六

夫婿移家遠入滇幾夜新婚成永訣旋收戰骨葬江邊
早年淪落多關命石上三生眼前證便遣情緣着死灰
行依心月開圓鏡小鬟何意尚隨身宛轉青絲手共分
金剪無聲雲委地寶釵有夢燕依人扶攜同向中山寺
改口人前喚師弟別與繡經起法名慶光舊是閨中婢
皓齒明眸兩比丘久拚生死等浮漚香燈繡佛前因在
從此相依擬白頭晨鐘暮鼓流光易荏苒今年三十二
骨月深恩且勿論滄桑時局關何事何當六詔又屯師
十月孤城乍解圍將軍奏凱功無敵悍卒撐牢勢不支
移巢拔穴驅人起但是有身無避理一朝蓄髮強同行
幾度割刀猶不死歸程昨夜次徧橋哀角吹殘令寂寥

却喜道傍俄見棄草間
跌坐度清宵同行偶傍江東客
拍點雲山曉來跡雙江暫擬尋同伴半路又驚逢邏卒
太守呼來淚未乾含啼一一語悲酸亂來莫說爲官好
兒女姻親那得完夢裏生還愁故里依稀記得萊陽是
已作昆明劫後人托根何必仍乘梓君不見列帳西來
珠翠圍恣恣粉鏡去如飛不知皂帽天涯住何似紅裙
馬上歸

班師行

滇池平滇水清滇南曠蕩餘空城犬無夜吠鷄不鳴將
軍奉詔初拔營幾姓分旗徧行賞同時帳下添廝養何
取邊頭戶口繁十年生聚滋奸黨白頭翁媪啼且僵棄

敬業堂詩集卷三

七

擲不得收戎行翻身一仆委溝壑骨月滿眼紛飄揚紅
顏如花扶上馬坡高驚墮珊瑚把兒郎新嫁羽林軍山
下人逢執鞭者近前一隊飛塵起中有傷心泪偷洒朝
家本意重開邊劇賊初平近十年爾等纍纍皆鬼妾偷
生敢復祈哀憐卽如滇城圍七月未能下戍卒壘頻高
書生箸誰借君不見禁旅一出西南通煌煌中旨褒
膚公叅軍誇謀士誇勇逢時多少稱英雄綠旗只合就
裁汰那許尺寸貪天功從此歸成垂白叟賣刀買犢安
農畝猶及生兒際太平家家相賀持羊酒

和答彭南陔長沙除夕見寄原韵

薄遊依地主歸計幾時成
老被妻孥累貧銜故舊情
綠

尊消夜淺白髮競春生亂後飄飄跡能無感北征

黔南署中連接與三子穎右朝手書知德尹已
入燕歸計遂決先馳詩以寄

出門儔侶稀蒼莽七千里豈不念離群徒亂人意耳素
心十餘輩一散如潑水同源乃殊流所到隨坎止行人
半萍梗居者僅桑梓所恃氣誼敦尺書屢見慰開械試
終讀感歎忽中起吾弟賦北征殘冬束行李嚴程霜雪
惡急往寧得已雙親尚淺土舉念每顛泚幼弱兩三人
曰廬詎堪委我來已天末欲去難遽爾鳥道阻且長戈
船塞江汜主人荷垂諒告別輒諾唯僮僕亦欣欣行期
屢屈指到家幸非遠計日及秋尾期子賦同歸開園召

知已

敬業堂詩集卷三

六

敬業堂詩集卷三

